

Broj: 56/25

Sarajevo, 26.02.2025. godine

**OSNIVAČI JAVNIH KOMUNALNIH PREDUZEĆA
U FEDERACIJI BOSNE I HERCEGOVINE**

- N/r Gradonačelnika / Načelnika gradova / općina
- N/r Predsjednika gradskih/općinskih vijeća

Predmet: Zahtjev za podršku za utvrđivanje ekonomskih cijena komunalnih usluga od strane Osnivača JKP u Federaciji Bosne i Hercegovine

Poštovani,

U ime naših članica, javnih komunalnih preduzeća u FBiH, obraćamo Vam se zahtjevom za podršku za utvrđivanje ekonomskih cijena komunalnih usluga od strane Osnivača JKP, zbog izuzetno lošeg finansijskog stanja u JKP koje je dodatno pogoršano donošenjem odluke Vlade FBiH o minimalnoj plati u Federaciji Bosne i Hercegovine.

Kao što Vam je poznato, Vlada Federacije BiH je krajem decembra 2024. godine donijela Odluku prema kojoj će minimalna plata iznositi 1.000 KM. Odlučeno je da će se ova odluka primjenjivati od 1. januara 2025. godine, a minimalna plata u Federaciji Bosne i Hercegovine od početka 2025. godine je povećana za 381 KM.

Ova odluka, koja je donesena bez sveobuhvatne fiskalne reforme i bez analize njenih posljedica za privredu uopće, a pogotovo za komunalnu privredu, je proizvela negativne efekte za poslodavce u FBiH, **s tim da je prilikom donošenja ove odluke potpuno zanemaren status javnih komunalnih preduzeća**, koja su i bez posljedica koje će proizvesti primjena odluke o minimalnoj plati, poslovala u izuzetno nepovoljnoj situaciji i pod otežanim uslovima.

Zbog toga smo se obratili Vladi Federacije Bosne i Hercegovine zahtjevom za osiguranje adekvatnih mjera – olakšica za javna komunalna preduzeća u FBiH u pogledu primjene ove Odluke.

U upućenom zahtjevu smo istakli da su javna komunalna preduzeća u FBiH **opterećena neadekvatnim cijenama, koje određuju njihovi Osnivači, a najveći broj zaposlenih radnika u komunalnoj privredi su nekvalifikovani radnici sa primanjima ispod 1.000 KM**. To znači da se posljedice primjene ove odluke odnose velikim dijelom na komunalnu privredu, te da će ova Odluka ugroziti poslovanje komunalne privrede u FBiH, jer postoji opravdana bojazan da će zbog ove situacije veliki broj komunalnih preduzeća biti nelikvidan i u konačnici otići u stečaj.

Unatoč našem zahtjevu Vlada FBiH je u februaru 2025. godine donijela Uredbu o mjerama finansijske pomoći privatnim poslodavcima, obrtima i ostalim samostalnim djelatnostima u Federaciji Bosne i Hercegovine u cilju održavanja postojećih radnih mjesta za 2025. godinu u kojoj su potpuno zanemarena sva javna prduzeća, a što najveće posljedice ostavlja upravo na komunalna preduzeća.

Primjena navedene Uredbe otvorila je nove probleme u JKP jer povećanje minimalne plaće i nedostatkom finansijskih sredstava u JKP nije popraćeno adekvatnim povećanjem plaća kvalifikovanim i kadrovima sa visokom stručnom spremom te je plaće istih približilo plaćama uposlenih nekvalifikovanih radnika, što će nesumnjivo za posljedicu imati pad njihovog životnog standarda usljed sveprisutnog rasta cijena troškova života i odliv stručnog kadra iz JKP.

Zbog toga se obraćamo Vama, kao osnivačima JKP sa zahtjevom za podršku JKP u procesu neiophodnog utvrđivanja ekonomskih cijena komunalnih usluga. Ukoliko ekonomske cijene komunalnih usluga ne budu pod hitnom postupku utvrđene i primjenjene zasigurno je da gotovo sva JKP neće moći adekvatno održavati i znavljati stalna sredstva i da će svakim danom njihova likvidnost biti smanjivana, a samim time i mogućnost funkcionisanja samih JKP.

U ovom momentu je već došlo do poskupljenja cijena električne energije, koja predstavlja značajan trošak u poslovanju komunalnih preduzeća. Svjedoci smo da je zbog povećanja cijene električne energije već krenuo val poskupljenja roba i usluga, što će se značajno odraziti na pogonsku spremnost javnih komunalnih preduzeća i izmirivanje njihovih obaveza prema državi i dobavljačima. To doprinosi nestabilnosti poslovanja JKP i nemogućnost čak i najneophodnijeg upošljavanja radnika kojim se omogućava nesmetano funkcionisanje JKP.

Vaša podrška JKP kao njihovih Osnivača je od izuzetne važnosti jer, kao što Vam je poznato, ovo je dodatni problem svih JKP koja posluju sa neekonomskim cijenama, a što dodatno usložnjava njihovu i te kako tešku ekonomsku situaciju.

Jedinstven stav svih prisutnih članova Upravnog i Nadzornog odbora UPKP u FBiH je **da članice UPKP u FBiH – javna komunalna preduzeća, svojim osnivačima što prije podnesu zahtjeve za utvrđivanje ekonomskih cijena komunalnih usluga, a da se mi kao Udruženje/Udruga obratimo Vama kao kao snivačima JKP sa molbom za vašu podršku i razumjevanje. Bez vaše podrške i razumjevanja zasigurno nam slijedi kolaps komunalne privrede tokom ove godine.**

Još jednom molimo da uložite dodatne napore i da se konačno donesu odluke o utvrđivanju ekonomskih cijena komunalnih usluga.

S poštovanjem,



PREDSJEDNIK UO UPKP u FBiH

Selim Babić, dipl.ing.građ.

Prilog: Zahtjev upućen Vladi FBiH